

Broj: 2598/24  
Bihać, 17.05.2024. godine

Na osnovu člana 20.a Zakona o radu (Sl. novine F BiH broj: 26/16 i 89/18), člana 4. Uredbe o postupku prijema u radni odnos (Sl. glasnik Unsko-sanskog kantona broj: 7/19 i 11/19), člana 3. i 11. Pravilnika o radu ZU Dom zdravlja Bihać broj: 2074/23, Saglasnosti Kantonalnog ministarstva zdravstva, rada i socijalne politike broj: 09-30-3707-2/24 od 25.03.2024. godine, Odluke v.d. direktora o potrebi prijema u radni odnos na neodređeno vrijeme broj: 2596/24, te člana 36. Statuta ZU Dom zdravlja Bihać, v.d. direktor raspisuje

## JAVNI OGLAS

za prijem u radni odnos na neodređeno vrijeme

### I

**- Stomatološka sestra u Službi za zubozdravstvenu zaštitu - 2 izvršioca**

### II

Kandidati trebaju ispunjavati slijedeće **Opće uslove**:

- Da su državljani BiH,
- Da su stariji od 18 godina,
- Da su fizički i psihički sposobni za obavljanje poslova radnog mjesta (izabrani kandidati će prije zasnivanja radnog odnosa dostaviti ljekarsko uvjerenje o zdravstvenoj sposobnosti izdato od strane ZU Dom zdravlja Bihać).

### III

Kandidati trebaju ispunjavati slijedeće **Posebne uslove**:

- SSS - Medicinska škola - stomatološki smjer
- Položen stručni ispit.

Mjesto obavljanja rada: ZU Dom zdravlja Bihać sa terenskim ambulantama, radno vrijeme od 07:00h do 15:00h.

Probni rad: Ugovara se probni rad u trajanju od tri (3) mjeseca.

Kratak opis poslova: radi sa doktorom stomatologom ili specijalistom u ordinaciji, školi, na terenu i kartoteci, vrši prijem pacijenata, kontrolira oblik zdravstvenog osiguranja, određuje participaciju i vrši naplatu usluga uz izdavanje propisane uplatnice, pomaže ljekaru kod pregleda i intervencije, vodi dnevnu i tekuću evidenciju rada i propisanu medicinsku dokumentaciju, učestvuje u prevenciji i primjeni ordinirane terapije, učestvuje u obavljanju sistematskih pregleda, priprema materijal i vrši sterilizaciju i dezinfekciju, učestvuje u sprovođenju mjera reanimacije, radi na zdravstvenom educiranju građana, održava instrumentarij i opremu, obavlja i druge poslove svoje struke po nalogu neposrednog rukovodioca.

#### IV

#### **Kao dokaz o ispunjavanju uslova kandidati su dužni dostaviti slijedeću dokumentaciju:**

- Potpisana prijava sa kratkom biografijom, adresom i kontakt telefonom,
- Izvod iz matične knjige rođenih,
- Uvjerenje o državljanstvu,
- Prijava mjesta prebivališta,
- Diploma/Uvjerenje o završenoj srednjoj medicinskoj školi za zvanje stomatološka sestra
- Uvjerenje o položenom stručnom ispitu.

Javni oglas ostaje otvoren 8 dana od dana objave u dnevnim novinama.

Dostavljena dokumentacija mora biti u originalu ili u ovjerenoj kopiji i ne smije biti starija od 6 mjeseci.

Kandidat je u prijavi u obavezi naznačiti na koje radno mjesto se prijavljuje, u suprotnom će se prijava odbaciti.

Neblagovremene, nepotpune i neuredne prijave odbaciće se obavještenjem. Pod neurednom prijavom podrazumjeva se i prijava koja nije potpisana.

O datumu, vremenu i mjestu pristupanja polaganju pismenog i usmenog ispita kandidati će biti obavješteni telefonskim putem ili putem e-mail adrese kandidata. Polaganju ispita će pristupiti kandidati koji su podnijeli urednu, potpunu i blagovremenu prijavu.

Kandidati koji ne pristupe zakazanom ispitu smatrat će se da su odustali od prijave na javni oglas.

Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida, ili su članovi porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu (potvrda, uvjerenje i sl.) koje prilažu prilikom prijave na Javni oglas, te će imati prioritet u zapošljavanju ukoliko budu ostvarivali jednak broj bodova u odnosu na druge kandidate.

Svi traženi dokumenti koji služe kao dokaz o ispunjavanju uslova se neće vraćati.

Prijave na oglas sa potrebnom dokumentacijom u zatvorenoj i neprovidnoj koverti na kojoj se obavezno navode podaci o podnosiocu (puno ime i prezime i adresa stanovanja) se dostavljaju putem preporučene pošte ili neposredno putem protokola Poslodavca na adresu:

**ZU DOM ZDRAVLJA BIHAĆ**  
**Put V Korpusa bb**  
**77000 Bihać, Komisija za izbor kandidata za prijem u radni odnos sa**  
**Naznakom ; „NE OTVARAJ-PRIJAVA NA JAVNI OGLAS“.**

Kontakt telefon za davanje dodatnih obavještenja je 037/312-421.

Izbor iz reda prijavljenih kandidata koji ispunjavaju uslove oglasa izvršit će se u skladu sa Zakonom o radu F BiH (Sl. novine F BiH br.26/16 i 89/18), Uredbom o postupku prijema u radni odnos (Sl. glasnik USK-a br. 7/19 i 11/19), Pravilnikom o radu ZU Dom zdravlja Bihać i Poslovnikom o radu Komisije za izbor kandidata za prijem u radni odnos.

